

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 401965 21 St
Tuzla, 03.08.2021. godine

OPĆINSKI SUD U TUZLI, sudija Ilvana Delić, u postupku predhodnog ispitivanja prijedloga za otvaranje stečajnog postupka nad dužnikom „**BANOVIĆI-TRANS**“ d.o.o. Banovići, za transport, trgovinu i ugostiteljstvo, ul. 29. novembra bb, dana 03.08.2021. godine donio je slijedeće,

R J E Š E N J E

POKREĆE SE prethodni postupak radi utvrđivanja uslova za otvaranje stečajnog postupka nad imovinom privrednog društva „**BANOVIĆI-TRANS**“ d.o.o. Banovići, za transport, trgovinu i ugostiteljstvo, ul. 29. novembra bb.

Za privremenog stečajnog upravnika imenuje Almir Bajrić iz Tuzle.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 16. Zakona o stečajnom postupku, a naročito:

- obezbijediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i
- uraditi kontrolu poslovanja stečajnog dužnika

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama F BiH“, web stranici Općinskog suda u Tuzli i na Internet stranici FIA-e te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Banovićima i Službi za geodetske i imovinsko-pravne poslove Općine Banovići, radi upisa zabilježbe otvaranja prethodnog postupka.

O b r a z l o ž e n j e

Predlagač kao dužnik podnio je dana 02.06.2021. godine ovom sudu prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagača u smislu odredbe člana 58. stav 2. Zakona o stečaju F BiH (Sl. novine F BiH 53/21), u daljem tekstu Zakon o stečaju, i da je isti dopušten dana 12.07.2021. godine, naložio je predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka, temeljem člana 60. Zakona o stečaju F BiH.

Predlagač je dana 23.07.2021. godine dostavio sudu dokaz o uplati predujmljenih sredstava za finansiranje prethodnog postupka. Na ročištu za saslušanje stečajnog dužnika zakonski zastupnik društva izjavio je da društvo ima dugovanja cca 30.000,00 KM koji se odnose na obaveze prema Poreznoj upravi F BiH, Upravi za indirektno oporezivanje BiH kao i dobavljačima.

Na osnovu održanog ročišta za saslušanje stečajnog dužnika, dokumentacije priložene uz prijedlog za otvaranje stečajnog postupka: 02.06.2021. godine, rješenje o registraciji društva u sudski registar od 07.08.2003. godine, bilans stanja na dan 31.12.2018. godine, potvrda Nove banke ad Banja Luka od 19.05.2021. godine, potvrda Raiffeisen banke dd Sarajevo od 19.05.2021. godine, potvrda NLB banke dd Sarajevo od 19.05.2021. godine, bilans uspjeha za period od 01.01. do 31.12.2018. godine i uplata predujma na iznos 1.500,00 KM, predlagač je učinio vjerovatnom platežnu nesposobnost.

Na osnovu podnesene dokumentacije i zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju („Sl. novine F BiH“, br.53/2021.)

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

SUDIJA
Ilvana Delić

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.